

31 MARTIE
RUGACIUNEA
SF. IERARH-MUCENIC
IPATIE AL GANGREI

МОЛИТВА

Трисолнечного Света светозарная звезда,
вводящая в мир Трисолнечный Свет
апостольскими твоими, Боевангельскаго
проповедания священноучении,
священномучениче, иерарше Христов,
Богоблаженне Ипатие. Ты приял еси от Святыя
Троицы равноапостольную благодать,
серафимскую в горечестии к Богу любовь, яко
же верховнейший апостолов Петр, и
херувимскую многоочитую во учении
премудрость, яко же вторый Павел.
Просветивый премудрым твоим благочестия
учением тьмочисленныя народы, присноусердно
подражая всемирному Учителю, Господу Богу и
Спасу нашему Иисусу Христу. Его же ради
всесмирненно молю богоподражательное
отеческое твое благоутробие: призри милостивно
богосветлыми очима твоима на сущее
недостойнство мое, яко всечадолюбивый по Бозе

отец, и присноусердный нашего спасения наставник, адамантная Православию стена и пресветлый столп, вводящий второноговаго Израиля во всепросветлейший Горний Сион. Потщися вскоре помоществовати на бранех воинству нашему. Проси же присно у Святыя Троицы всем православным христианом мира и тишины, душевного спасения и многолетняго в телеси здравия, воздуха благорастворения, земли благоплодия, неплодствуящим благочадия, и в законе Господнем воспитания, и всех благих умножения. А после жития коемуждо жизни сея сподоби святыми твоими молитвами уллучити христианскую кончину благу, непостыдну и мирну, со всепреподобнейшим исповеданием и со причастием Святых Бессмертных Небесных и Животворящих Христовых Тайн, и с молитвословием беспрепятное воздушных мытарств прошествие, наследие со святыми всерадостныя присносущныя жизни, в ней же купно со ангельскими чинми непрестанныя хвалы вознесем Отцу со Единородным Его Сыном и с Пресвятым, Благим и Животворящим Его Духом, и тебе, великое твое отеческое милостивое заступление, ныне, и присно, и во веки веков. Аминь.